

մանաւ Տէրութեան և յանձնարարական թղթովք առաքեցին զՅովհաննէս վարդապետ ցամաքաւ 'ի Զմիւռին . 'ի հասանիլ նորա անդ և ընթեռնուլ Հիւսպատոսին զգրեանս , եհան 'ի ճանապարհ զերկուս նաւս մին մեծ և միւսն փոքր , և Յովհաննէս վարդապետ 'ի նմա ('ի 11 Յուլիսի) , և գնացին դէպ 'ի կղզիս Յունաց 'ի խնդիր գերեւոյ և ընչից :

Իսկ 'ի Կոստանդնուպօլիս համբաւեալ էր 'ի մէջ հասարակաց թէ Գաբրիէլ Պատրիարք առաքեալ է յնդիպտոս զերկուս վարդապետս վասն կարեաց Աթուոյն , եւ առնուլ 'ի Կուսակալէ երկրին տոկոսիւք 2000 քսակս արծաթոյ յանուն երուսաղէմի . լուեալ էր զայս և Գրիգոր Գալֆայ 'ի Կեսարիա , զնոյն հաստատէին և նամականիք նգիպտոսի գրեալ առ ոմանս յԱմիրայից : Եւ 'ի սաստկանալ չնչմանց՝ զայրացան յոյժ Ամիրայք , և կոչեցին զՓոլսանորդ Յարութիւն վարդապետն , եւ նորա գովով անտեղեակ իրացն , մնաց անպատասխանի առաջի նոցա . եւ նոքա կշտամբէին զնա , թէ զի՞նչ կամիք առնել՝ առանց խորհելոյ զվախճանն , կամի՞ք արկանել զազգն ողջոյն 'ի վտանգ մեծ , զի 'ի պատահիլ փոփոխութեան Կուսակալի երկրին՝ ո՞չապաքէն ազգն այրի և տոչորի 'ի Տէրութենէ , և կամ զայս եւս փակեալ դրան Բեթղեհէմի՞ն՝ նմանեցուցանէք , որ առանց հարցանելոյ արարիք , և այլ սոցին նշման բանք : Արդարեւ կրեցին և կրէին զպէսպէս նախատինս 'ի Դրանէ՞ վասն դրան այնորիկ 'ի խնդրել նոցա հրովարտակ վասն այնր . զի Լատինք և Դեսպանն Գաղղիոյ ընդդէմ զինեալ էին՝ և Դուռն ոչ կամէր լսել զբանս Հայոց , այլ 'ի ստիպելն՝ ասացին դատաստանաւ վճարել զիրսն , Հայք ոչ առին յանձն՝ զի դատ նորին վճարեալ էր յերուսաղէմ , այլ ներքին միտք նախարարաց էր երկարել զբանն եւ շահիլ յերկուս կողմանց , որպէս արարին 'ի դատին Յունաց :

Ապա ստիպեցին Ամիրայք զՅարութիւն վարդապետ հարկեցուցիչ բանիւ գրել յերուսաղէմ և իմանալ զստուգութիւն խնդրոյն : Խնդրեցին նաեւ զպատասխան մահսերական գրոյն իւրեանց , զոր չեւ եւս էին ընկալեալ , զտուժար պարտուց Աթուոյն , զհաշիւս ելից և մտից , յորէ յորմէ նստաւ Գաբրիէլ յԱթու Պատրիարքութեան , ան-